



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-817-322, fax. 035-818-716, e.mail: opc.grad@bih.net.ba, www.gradacac.ba

OPĆINSKO VIJEĆE

Na osnovu člana 24. i člana 68. stav 4. Statuta općine Gradačac („Sl.glasnik općine Gradačac“, br.4/08, 5/12, 1/17, 5/18 i 8/18), Općinsko vijeće općine Gradačac na sjednici održanoj dana _____ 2019.godine, d o n o s i

O D L U K U
o raspisivanju izbora u mjesnim zajednicama

Član 1.

Općinsko vijeće raspisuje izbore za članove Vijeća mjesnih zajednica na području općine Gradačac.

Izbori za članove Vijeća mjesne zajednice će se provoditi u svim mjesnim zajednicama istovremeno.

Član 2.

Izbori za članove Vijeća mjesne zajednice će se održati u nedjelju 06. oktobra 2019.godine, od 7 do 19 sati.

Zborovi građana će se održati 15. septembra 2019.godine, istovremeno u svim mjesnim zajednicama.

Ukoliko zbor građana u nekoj mjesnoj zajednici ne uspije da se održi 15 septembra, isti će se ponoviti 22. septembra 2019.godine.

Član 3.

Izbore će provesti Komisija za sprovođenje izbora i Birački odbori koji rukovode izborima, a čije nadležnosti su regulisane Odlukom o postupku izbora za organe mjesne zajednice i način verifikacije provedenih izbora br.01-05-180/14 od 29.05.2014. godine i Odluke o izmjenama i dopunama Odluke o postupku izbora za organe mjesne zajednice i način verifikacije provedenih izbora br.01-05-52/15 od 26.02.2015. godine.

Član 4.

Nakon izvršenih izbora, Komisija za sprovođenje izbora će sačiniti izvještaj i podnijeti ga Općinskom vijeću, u roku od 15 dana od dana održanih izbora.

Član 5.

Izborne radnje počinju danom stupanja na snagu ove Odluke.

Komisija za sprovođenje izbora utvrdit će rokovnik radnji u postupku predlaganja kandidata i utvrđivanja kandidatskih lista, kao i drugih aktivnosti.

Član 6.

Odluka stupa na snagu danom donošenja.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
Općinsko vijeće

Broj: _____/19
Datum: _____ 2019.godine
G r a d a č a c

PREDSJEDAVAJUĆI
OPĆINSKOG VIJEĆA
Enir Šakić, prof.

O b r a z l o ž e n j e

Članom 68. Statuta općine Gradačac je propisano:

Vijeće mjesne zajednice biraju građani s područja mjesne zajednice koji imaju opće biračko pravo.

Članovi Vijeća mjesne zajednice biraju se neposredno na zboru ili tajnim glasanjem na način i u postupku utvrđenim odlukom Općinskog vijeća.

Mjesni zbor građana može punovažno odlučivati ako je prisutno 10% građana ili najmanje 5% građana toga zbora u ponovnom sazivanju.

Odlukom Općinskog vijeća utvrđuje naročito: mjesto i vrijeme održavanja izbora, organi za sprovođenje izbora, sredstva potrebna za sprovođenje izbora, način utvrđivanja i proglašavanja rezultata izbora, kao i druga pitanja u vezi sa izbornim procesom.

Odlukom Općinskog vijeća o postupku izbora za organe mjesne zajednice i način verifikacije provedenih izbora, regulisano je da se prvi izbori za organe mjesne zajednice održavaju u svim mjesnim zajednicama istovremeno na području općine Gradačac.

Obzirom na navedeno, predlaže se općinskom vijeću da usvoji odluku u navedenom tekstu.